

**Uunga siunnersuut: Sumiiffinni immikkut toqqakkani takornariartitsisarnernut
akuersissuteqartarneq pillugu Inatsisartut inatsisaat**

*Inuutissarsiornermut, Niuernermut, Aatsitassanut, Inatsisit Atuutsinnejnarnerannut
Naligiissitaanermullu Naalakkersuisumit saqqummiunnejartoq*

pillugu

Inuussutissarsiornermut Aatsitassanullu Ataatsimiitaliap

siunnersuutip pingajussaaneerneqarneranut

ILASSUTITUT ISUMALIUTISSIISUTAA

Ataatsimiitaliap suliarinninnermini [kingullermik] ilaasortarai:

Inatsisartunut ilaasortaq Karl Tobiassen, Siumut, Siulittaasoq
Inatsisartunut ilaasortaq Bentiaraq Ottosen, Atassut, Siulittaasup tullia
Inatsisartunut ilaasortaq Kristian Jeremiassen, Inuit Ataqatigiit,
Inatsisartunut ilaasortaq Mariane Paviaisen Jensen, Inuit Ataqatigiit
Inatsisartunut ilaasortaq Lars Poulsen, Siumut
Inatsisartunut ilaasortaq Kuno Fencker, Siumut
Inatsisartunut ilaasortaq Pele Broberg, Naleraq

Ataatsimiitaliap UKA 2024-p ingerlanerani oktoberip ulluisa 15-ianni
aappassaaneerinninnerup kingorna siunnersuut misissuataarpaa.

Siunnersuutip imarisai siunertaalu

Siunnersuutip imarisai siunertaalu eqqarsaatigalugit siunnersuutip aappassaaneerneqarneranut
ataatsimiitaliap isumaliutissiisutaa innersuussutigineqarpoq.

Siunnersuutip Inatsisartuni aappassaaneerneqarnera

Siunnersuut aappassaaneerinninnermi akuersissutigineqarpoq siunnersuutip
aappassaaneerneqarneranut Naalakkersuisut allannguutissatut siunnersuutaat ilangullugit
akuersissutigineqarlutik.

Ataatsimiitaliami amerlanerussuteqartut Inuit Ataqatigiit, Siumup Atassutillu
ilaasortaataasa peqatigitillugu Inatsisartut inatsisissaattut siunnersuutip kalaallisuuata
qallunaatuatalu imminut naapertuunnissaat qularnaarniarlugu allannguutissatut
siunnersuuteqaqqeqqullugit Naalakkersuisunut kaammattutigaat.

Siunnersuut ataatsimiititaliap kissaateqarnera tunngavigalugu Inuussutissarsiornermut
Aatsitassanullu Ataatsimiititaliamut suliarineqartussangorteqqinnejarpooq.

Sassartitsinerit

Ataatsimiititaliaq siunnersuutip matuma suliarineqarneranut atatillugu Ilulissat Excursionsimit
aallartitanik ataatsimeeqateqarpoq.

Saaffiginnissut

Ataatsimiititaliaq novembarip ulluisa 18-ianni Sulisitsisunit saaffiginnissummik tigusaqarpoq.
Ataatsimiititaliaq saaffiginnssummut qujarusuppoq, piffissaalatsinerli pissutigalugu
saaffiginnissut siunnersuutip suliarineqarnerani isummerfigineqarsinnaasimanngilaq.

Ataatsimiititaliap siunnersummit suliarinninnera

Inatsisartut inatsisaata kalaallisuuata qallunaatuatalugu imminnut naapertuunnissaat
qlarnaarniarlugu ataatsimiititaliami amerlanerussuteqartut kaammattuutaat Naalakkersuisut
tusaaniarsimavaat. Ataatsimiititaliami amerlanerussuteqartut tamatumunnga
Naalakkersuisunut qujassuteqarput.

Aappassaaneerinninnissamut ataatsimiititaliap isumaliutissiissutaani nalunaarutigineqartutut
ataatsimiititaliami amerlanerussuteqartut taamaattoq inatsisissatut siunnersuummi suli
allanngortitsisoqarnissaa pisariaqartissimavaat.

Taamaattumik ataatsimiititaliami amerlanerussuteqartutut Inuit Ataqatigiit, Siumup
Atassutillu ilaasortaataasa allannguutissatut siunnersummut allannguutissatut
siunnersuuteqarput.

Allannguutissatut siunnersummut allannguutissatut siunnersuut inatsisissatut siunnersuummi
§ 27, imm. 1-ip oqaasertalerneqarneranut tunngavoq. Tassuuna inatsisitigut
tunngavissiisoqarpoq inatsisissatut siunnersuummi aalajangersakkat arlallit
unioqqutinneqarnerinut akiliisitsinermit pineqaatissiisinnanissamut.

Allannguutissatut siunnersummut allannguutissatut siunnersuutip kingunerissavaa
aalajangersakkanik pineqartunik unioqqutitsinerit akiliisitaanermik
pineqaatissiissutaasinnaassammata, aamma unioqqutitsineq mianersuaalliornerinnakkut
pisimagaluarpat.

Allannguutissatut siunnersummut allannguutissatut siunnersuut taamaallilluni
allannguutissatut siunnersuummi § 27-mit assigiinngissuteqarpoq, taannami malillugu
taamaallaat piaaraluni mianersuaalliorujussuarluniluunniit unioqqutitsinerit akiliisitaanermik
pineqaatissinneqarsinnaammata.

Aalajangersakkat pineqaatissartallit malinneqarnissaasa sakkortusarneqarnissaat
taamaaliornikkut siunertarineqarpoq.

Ataatsimiititaliap inassuteqaatai

1. Ataatsimiititaliami amerlanerussuteqartut Inuit Ataqatigiit, Siumup Atassutillu ilaasortaatitaat taamaattumik allannguutissatut siunnersuummut allannguutissatut siunnersuuteqarput
2. Ataatsimiititaliami amerlanerussuteqartut Inuit Ataqatigiit, Siumup Atassutillu ilaasortaatitaasa piginnittussaanermut piumasaqaatip sakkortusineqarnissaanik Naalakkersuisunut kaammattuuteqarput, taamaalilluni Naalakkersuisut nunatta immikkoortuini sumiiffinni aalajangersimasuni inuit inatsisilerinikkullu inuttut isigineqarsinnaasut (ass. ingerlatseqatigiiffit) suliffeqarfintti aalajangersimasumik annertussusilimmik piginneqataassuteqartarnissaannik Naalakkersuisut piumasaqaatinik aalajangersaasinnaangortillugit, najukkani soqtigisat illorsorniarlugit najukkaniillu piginnituunissaq qularnaarniarlugit tamanna pisariaqartutut isigineqaraangat. Piginneqataassuteqarnerup minnerpaaffissaa najukkanit piginnittuuneq illorsorniarlugu 2/3-mut aalajangersarneqartariaqarpoq.
3. Ataatsimiititaliami amerlanerussuteqartut Inuit Ataqatigiit, Siumup Atassutillu ilaasortaatitaasa Naalakkersuisunut kaammattuutigaat § 10-mi piumasaqaammik ilanngusseqqullugit Kalaallit Nunaanni najukkani suliffeqarfifit saliutinneqartussanngortillugit, minnerpaamik piumasaqaatit tamarmik naammassineqarsimappata. Taamaaliornikkut suliffeqarfifit nunatta avataaneersut akuersissutinik pissarsisinnaanerat annikillisinnejarsinnaavoq.
4. Ataatsimiititaliami amerlanerussuteqartut Inuit Ataqatigiit, Siumup Atassutillu ilaasortaatitaasa Naalakkersuisunut kaammattuutigaat § 16 sakkortusineqaqqullugu najukkani sulisunik pilersuisunillu atuinissaq periarfissaannaanani pinngitsoorani malinneqartussanngorlugu. Piumasaqaammut tamatumunnga najukkani sulisunik atorfinitssisarnissanut pilersuisunillu Kalaallit Nunaannersunik isumaqatigiissuteqartarnissamut procentimik minnerpaaffissamik aalajangersaasoqarnissaa ilaasariaqarpoq.
5. Ataatsimiititaliami amerlanerussuteqartut Inuit Ataqatigiit, Siumup Atassutillu ilaasortaatitaasa Naalakkersuisunut kaammattuutigaat § 4, imm. 3 sakkortusineqaqqullugu, pisinnaatitsissutinik pigisaqartut akuersissutinik suliffeqarfinnut nunanit allaneersunut tunniussisinnaanerannik mattussisumik. Kalaallit Nunaanni najukkani ingerlatseqatigiiffinnut inunnnulluunniit tunniussinissaq taamaallaat periarfissaasariaqarpoq.
6. Ataatsimiititaliami amerlanerussuteqartut Inuit Ataqatigiit, Siumup Atassutillu ilaasortaatitaasa Naalakkersuisunut kaammattuutigaat ingerlatseqatigiiffik nunanit allaneersoq akuersissummik tunineqassappat, taava piffissaq akuersissuteqarfiusoq sivisunerpaamik ukiunut tallimanut-qulinut sivikillineqaqqullugu qinnuteqaqqittarnissarlu piumasaqaatigalugu. Taamaaliornikkut siunertarineqarpoq najukkanit aallaaveqarnerup akulikinnerusumik nakkutigineqarlunilu nalilersorneqartarnissaata qularnaarneqarnissaa.

Allatigut

Takornariartitsisarnermik inuussutissarsiuteqarnerup najukkanit aallaaveqarnissaq
qularnaarniarlugu Naalakkersuisut ingerlaavartumik suliaqarnissaat ataatsimiititaliap
pingaartutut isigivaa. Inatsosit allat najukkani ingerlataqartut illersorneqarnerinut
sunniuteqarsinnaasut nutarterneqarnissaat Naalakkersuisut isumaliutigissagaat
ataatsimiititaliap ilanngullugu kaammattutigaa. Tamatumani minnerunngitsumik
akileraartarnermut inatsiseqartitsinermi malittarisassat, ingerlatseqatigiiffiit iluini
nueqatigiinnermut akigitinneqartartut (transferpricing) sakkortusineqarnissaat ilanngullugu,
eqqarsaatigineqarput.

Taamatut oqaaseqarluni isumaliutissiisummillu allassimasutut paasinnilluni ataatsimiititaliap siunnersuut pingajussaaniigassanngortippaa.

Karl Tobiassen
Siulittaasoq

Bentiaraq Ottosen
Siulittaasup tullia

Mariane Paviassen Jensen

Kristian Jeremiassen

Lars Poulsen

Kuno Fencker

Pele Broberg